

74
3

« تۈرك بوردى ، كىم سايىسىدە آلتىنچى جلدە
كىردى ، مدنى پىتن آتۇنە لىرىمىزك كىيگەندە
قىدىلرىنى يىكىلتمە لىرى رىجا اولتۇر .

تۈرك بوردى

ناشرى : تۈرك بوردى

مدىرى : آق چۈرە اوغلى يوسف

يىل ۱۳۳۰ ۲ ۲۰ مارت ۱۳۳۰ يىل ۳ جلد ۶ ۶۲

دفعه قطعات زراعيه سنى - طوبراغك دینه طوغرو برمدت ایچون کیتکه حاجت اولیه رق - آرتدیریر وفتوحات زراعيه، سطح تراب اوزرنده واقع اوله رق ، عثمانلی مملکتي اوج درت دفعه بویویه بیلیر . عثمانلی مملکتي برطرفدن سیاسی حدودلری طارلاشهرق ماده کوجیلیر ایکن ، ایچنده غیر مفتوح اولان قطعاتی علم، سیاست و صنعت ایله فتح ایتمک یوللرینی بو وطنک اوز اوغللری آکلایه بیلیملی ، عقللرینی ، روحلرینی برازده اورایه ویره رک ، طوبراق ایله ده اینی پنجه لشن منتظم ، مطرد حرکاته ، معین مقاصده مالک «زراعت اردولری» وجوده کتیرمیدرکه ، وطن دیکر طرفدن - ضایعاتی تلافی ایدرک - یوکسله بیلسین ، هیچ اولماز ایسه ، حالنی محافظه ایتسین !

م . زهری

تورک بیلک سونی

تورک بیلک درنکی . — انقلابدن بش آلتی آی صوکره ، ۱۳۲۴ سنه سی کانون اولنده ، ایلك طبقه تورکیلری اولان نجیب عاصم ، ولدچلی و بروسه لی محمدطاهر بکله اولنره التحاق ایدن کنج تورکیلر برلشهرک « تورک درنکی » آدی بر جمعیت تأسیس ایتشلردی . بو جمعیت مقصدی « تورک دییه آکلان بوتون قوملرک ماضی و حالده کی آثار ، افعال ، احوال و محیطنی اوکر نهیه و اوکر نهیه چالیشمق » ایدی . « تورک درنکی » عثمانلی دولتنده قوزولان ایلك تورکیلک جمعیتی اولمشدر . « تورک درنکی » ، قورولمه سنی متعاقب خیلی فعالیت کوسترمش و مقصدینه خادم برجموعه تأسیس ایدهرک یدی صایسنی چیقارمه یه ده موفق اولمشدی . صوکره لری اک فعال اعضاستنک مأموراق و سائر وظیفه لرله طاغیلمه سی ، « درنک » و جموعه سنک یرینی ده جانلی صورتده طوتان باشقه جمعیت و رساله لرک طوغمه سی ، آنا درنکک ضعیفله مه سی ، اویوقلاماسنی انتاج ایتمشدر . درنکی احوالده براقق ایسته مه یین بعضی همتلی و چالیشقان تورکیلر ، بالخاصه کؤک آلپ و جلال ساهر بکله ، کچن سنه نك یاز آیلرنده چالیشهرق « تورک درنکی » نك « تورک بیلک درنکی » صورتنده کنیشله مه سی و قوتلنمه سی ایچون لازمکن اسبابی حاضر لاقله مشغول اولدیلر . « تورک یوردی » نك ۲ نجی بیلینک ۲۲ نجی صایسنده (۸ آغستوس ۱۳۲۹) بو تشبند بحث ایدیلهرک دینلیوردی که : « تورک درنکی » یالکز تورکیات (Turcologie) ایله اشتغال ایدیوردی . شمدی بوتون علم شعبه لرینی احتوا ایتمک اوزره « تورک بیلک درنکی » نامیله علمی بر جمعیت وجوده کتیریلمه سی تقرر

ایتمشدر. «تورک بیلکی درنکی» علمی شعبه لری محتوی اوله جق: «تورک درنکی»
«تورکیات درنکی» اسمیه، «تورک بیلکی درنکنک» بر شعبه سی تشکیل ایده جکندر.
درنکنک تبعلری نشر اتمک اوزرده «بیلکی مجموعه سی» آدل بر مجموعه تأسیس
اوله جقدر.

کچن تشرین ثانیده «بیلکی مجموعه سنک» ایلک صایسی چیقیدی، اولدن بری اوج
نسخه سی دها انتشار ایتدی. نهایت تشکیلاته متعلق مسأله لرك هپسی حل اولنه روق،
اشبو مارتک ۱۴ نجی جمعه کونی تورک بیلکی درنکنک ایلک عمومی اجتامی جفال اوغلنده،
دائرة سنده انعقاد ایتدی. اداره هیأتی رئیس جلال ساهر بک درنکنک مقصد و غایه سنه،
شعبه لر تقسیمنده کوزتدیکی اصوله دائر بیانانده بولندی. متعاقباً درنکنک علمی رئیس
معارف ناظر سابق امرالله افندی حضرتلری قیصه بر لطفله درنکنک درحال اینه باشلامه سی
تکلیف ایتدی. بونک اوزرینه شعبه لره سچیلن اعضانک اسملری اوقونوب، هر شعبه نک
اجتماع کون وساعتلری تعیین اولندی.

یکی نظامنامه لایحه سنه کوره، «تورک بیلکی درنکنک آیریلدی» شعبه لر شولردر:
(۱) حیاتیات شعبه سی، (۲) فلسفه واجتماعیات شعبه سی، (۳) ریاضیات و مادیات
شعبه سی، (۴) تورکیات شعبه سی، (۵) اسلامیات شعبه سی، (۶) تورکیک شعبه سی.
مارتک ۱۶ نجی بازار کونندن اعتباراً شعبه لر چالشمه یه باشلادیلر. «تورک یوردی»
«تورک بیلکی درنکنک» تشبث ایتدیکی بویوک ایشده موفق اولماسی. تکرری تعالی دن
نیاز ایلر.

نام برمره مطافات. — اوقاف مستشاری حاجی اولیا و اوقاف انشآت مدیر
عمومی سی معمار کمال الدین بک افندی لرك ایکنجی رتبه دن مجیدی نشانیله تلطیف بوورلقلری
ایشیدوب چوق سوندرک. بویکی عالم و مقتدر تورک، تورک اثرلرینک، تورک ثروتک حفظنه،
تورک معمارلغینک ترقیسنه جدأ بویوک خدمت ایتدی لر وایدیورلر. احسان بوورولان
نشانلر، خاقان حضرتلرینک ده بو خدمتلری تقدیر ایلر مکافات لایق کوردکلری کوستریور.
«تورک یوردی» مشار الیهی صمیمتله تبریکه شتاب ایدر.

ارتمال مؤسف. — دوللو نجابتلو عبدالحجید افندی حضرتلرینک حرم
عصمت پناهیلری خاتم افندی حضرتلرینک والدهلری و شهزاده عمر فاروق افندی
حضرتلرینک بویوک والدهلری خاتم افندی حضرتلری وفات ایتشلردر. الله غنی
غنی رحمت ایلر سین. «تورک یوردی» شهزادگان حضراتنه بویوک تأثرله صمیمی
تعزیتلری عرض ایدر.